



Republika e Kosovës
Republika Kosova - Republic of Kosovo
Kuvendi - Skupština - Assembly

Legjislatura V

Sesioni vjeshtor

Komisioni për Arsim, Shkencë, Teknologji, Kulturë, Rini dhe Sport

Mbledhja nr.26

Prishtinë, më 28.09.2015, në orën 10:00

Ndërtesa e Kuvendit, salla N 302

PROCESVERBAL

**I MBLEDHJES SË KOMISIONIT PËR ARSIM, SHKENCË, TEKNOLOGJI,
KULTURË, RINI DHE SPORT**

Në mbledhje morën pjesë: Nait Hasani, kryetar, Salih Morina, , Bekim Haxhiu, Ismajl Kurteshi, Shpejtim Bulliqi, , Teuta Haxhiu dhe Mufera Sinik.

Munguan: Shukrije Bytyqi dhe Srdjan Popović.

Pjesëmarrës të tjerë: Azem Guri – MASHT, përfaqesues të OSBE-së, të KDI –së dhe mediat.

Stafi Mbështetës i Komisionit: Lule Ymeri dhe Shaip Goxhuli

Mbledhjen e kryesoi Nait Hasani, kryetar i Komisionit.

Për këtë mbledhje u propozua ky:

Rend dite:

1. Miratimi i rendit të ditës;
2. Shqyrtimi i Projektligjit për Maturën Shtetërore;
3. Të ndryshme.

Kryetari konstatoi se janë plotësuar kushtet për fillimin e punës së Komisionit dhe e hapi mbledhjen sipas rendit të ditës.

1. Miratimi i rendit të ditës

Rendi i ditës u miratua pa vërejtje.

2. Shqyrtimi i Projektligjit për Maturën Shtetërore;

Anëtarët e Komisionit shqyrtuan nen për nen Projektligjin për Maturën Shtetërore dhe propozuan këto amendamentet si vijon:

Amendamenti 1

Neni 1, riformulohet si vijon :

Me këtë Ligj rregullohet funksioni, përmbajtja, kushtet, kriteret, mënyra e organizimit dhe procedurat e provimit të maturës shtetërore.

Amendamenti 2

Neni 2, riformulohet si vijon:

1. Shprehjet e përdorura në këtë Ligj kanë këtë kuptim:

1.1. Matura shtetërore është vlerësim i arritjeve, të njohurive, shkathtësive dhe aftësive të nxënësve të cilët i kanë fituar gjatë arsimimin parauniversitar në përputhje me kurrikulën e Republikës së Kosovës, apo përcaktimi i nivelit të kompetencave të arritura të nxënësve dhe lejimi i tyre që të vazhdojnë arsimimin në nivelin universitar.

1.2. Kandidat - është nxënësi, personi i cili e përfundon me sukses klasën përfundimtare të arsimit të mesëm të lartë.

1.3. Administruesit dhe Mbikëqyrësit - janë persona të cilët caktohen nga organet kompetente për administrimin dhe mbikëqyrjen e testimit.

1.4. Vëzhguesit - është person i angazhuar nga DKA në bashkëpunim me DVSM i cili vëzhgon dhe ndihmon procesin e administrimit të testimit për klasën e caktuar. Ai bashkërenditë detyrat dhe punët në bashkëpunim me administruesin për klasën përkatëse të akredituar nga Komisioni.

1.5. Monitoruesi - është person i angazhuar nga KQSHM në bashkëpunim me DVSM i cili monitoron vendin e mbajtjes së testimit me qëllim të ofrimit të dëshmive për mbarëvajtjen e procesit. Ai regjistron të gjitha aktivitetet e zhvilluara dhe raporton për realizimin e procesit të testimit prej momentit të fillimit deri në përfundim të këtij procesi në raport me standardet e vendosura. Detyrat dhe obligimet e tij përcaktohen paraprakisht nga DVSM dhe KQSHM, ndërsa është person i pavarur në raportim për rrjedhën e tërë procesit.

1.6. Test i standardizuar - është testi i përpiluar dhe harmonizuar në pajtim me karakteristikat metrike të testeve që janë sajuar nga një institucion i profesionalizuar për hartimin e testeve të tilla.

1.7. DKA - Drejtoria Komunale e Arsimit.

1.8. DVSM - Divizioni për Vlerësim, Standarde dhe Monitorim.

1.9. IAL - Institucionet e arsimit të lartë.

1.10. KSHM - Komisioni Shtetëror i Maturës.

1.11. KKK- Korniza e Kurrikulës së Kosovës.

Amendamenti 3

Neni 3, riformulohet si vijon:

Provimi i Maturës Shtetërore mbahet me test të standardizuar, në kushte të barabarta për të gjithë kandidatët të cilët i nënshtrohen provimit, njëkohësisht duke i ndjekur të njëjtat procedura dhe rregulla bazuar në kriteret e vlerësimit.

Amendamenti 4

Neni 5, riformulohet si vijon:

Neni 5

Te drejtat e kandidatit

1. Kandidati i nënshtrohet provimit të maturës shtetërore në njërën nga gjuhët zyrtare në Kosovë, sipas Ligjit për përdorimin e gjuhëve.
2. Kandidati me nevoja të veçanta i nënshtrohen provimit të maturës shtetërore sipas kushteve dhe kriterëve që u përshtaten nevojave të tyre.
3. Provimit të maturës shtetërore i nënshtrohen edhe kandidatët nga arsimi për të rritur.
4. Kushtet dhe kriteret e vlerësimit të kandidatëve me nevoja të veçanta dhe kandidatëve të arsimit për të rritur do të përcaktohen me akt nënligjor.

Amendamenti 5

Neni 6, riformulohet si vijon:

Neni 6

Kandidati i ardhur nga jashtë

1. Kandidati i cili jashtë Kosovës ka marrë dëftesën e klasës së fundit të shkollës së mesme të lartë e cila është e nostrifikuar në Kosovë, ka të drejtë të hyjë në provimin e maturës shtetërore.
2. Kandidati i nënshtrohet provimit aty ku e cakton MASHT, bazuar në dokumentin e nostrifikuar për drejtimin përkatës në bashkëpunim me Drejtorinë Komunale të Arsimit.
3. Kandidati duhet t'i plotësojë kushtet e hyrjes në provim si të gjithë kandidatët e tjerë.

Amendamenti 6

Neni 7, riformulohet si vijon:

Neni 7

Organet kompetente

1. MASHT është autoriteti shtetëror përgjegjës për organizimin e provimit të maturës shtetërore në bashkëpunim me:
 - 1.1. Komisionin Shtetëror të Maturës (KSHM).

- 1.2. Drejtoritë Komunale të Arsimit (DKA).
- 1.3. Shkollat e mesme të Larta.
- 1.4. Komisionet e qendrave të testimit.

2. Pasi të themelohet Agjencia e Kosovës për Kurrikulum, Standarde dhe Vlerësim përgjegjësia për organizimin e provimit të maturës shtetërore bartet nga MASHT tek Agjencia.(bartet tek dispozitat kalimtare)

Amendamenti 7

Neni 8, riformulohet si vijon:

Neni 8

Komisioni Shtetëror i Maturës

1. Komisioni Shtetëror i Maturës (KSHM), është organ vendimmarrës, mbikëqyrës, organizativ dhe këshillues për maturën.
2. Komisioni Shtetëror i Maturës ka njëmbëdhjete (11) anëtarë me mandat tre vjeçar (3) në këtë përbërje:
 - 2.1. MASHT tre (3) anëtarë,
 - 2.2. Institucionet e arsimit të lartë tre (3) anëtarë,
 - 2.3. Akademia e Shkencave dhe Arteve të Kosovës një (1) anëtar,
 - 2.4. DKA një (1) anëtar,
 - 2.5. Përfaqësues nga drejtorët e shkollave të mesme të larta nga gjimnazet dhe shkollat profesionale dy (2) anëtar,
 - 2.6. Përfaqësuesi i Këshillit të Prindërve të Kosovës një (1) anëtarë.
3. Ministri emëron Komisionin Shtetëror të Maturës, duke pasur parasysh barazinë gjinore dhe etnike.

Amendamenti 8

Pas nenit 8, shtohet nen i ri:

Neni 9

Detyrat dhe përgjegjësitë e Komisionit Shtetëror të Maturës

1. Detyrat dhe përgjegjësitë e Komisionit Shtetëror të Maturës janë :
 - 1.1. Miraton listën e anëtarëve të komisioneve të lëndëve për përpilimin e kërkesave për provimin shtetëror të maturës me propozimin e DVSM.
 - 1.2. Miraton planin e punës për organizimin e provimit të maturës për vitin vijues të hartuar nga DVSM, më së largu deri më 31 gusht.
 - 1.3. Merr opinionet nga komuniteti për mbarëvajtjen e procesit të vlerësimit dhe mbi këto opinione nxjerr udhëzime për subjektet në procesin e provimit të maturës.

1.4.Miraton katalogun dhe bën harmonizimin e lëndëve për provimin e maturës, në përputhje me planprograme të mësimore sipas drejtimeve respektivisht profileve, me propozimin e DVSM.

1.5.Publikon rezultatet e testit me MASHT.

1.6. Përcakton standardet për administrim të provimit të maturës shtetërore.

Amendamenti 9

Neni 9, riformulohet si vijon:

Neni 9

Divizioni për Vlerësim, Standarde dhe Monitorim

1. Obligimet dhe përgjegjësitë e DVSM janë :

- 1.1. Harton teste të standardizuara bazuar në Kornizën e Kurrikulës së Kosovës, të miratuara nga MASHT.
- 1.2. Propozon dhe trajnon mbikëqyrësit, administruesit, anëtarët e komisioneve si dhe individë të tjerë të përfshirë në procesin e provimit të maturës shtetërore.
- 1.3. Përgatit bazën e të dhënave për kandidatet e provimit të maturës shtetërore.
- 1.4. Përgatit dhe publikon materiale bazë dhe informuese jo më vonë se në muajin tetor.
- 1.5. Gjatë tërë vitit përgatit dhe publikon materiale ndihmëse për provimin e maturës shtetërore.
- 1.6. Përgatit dhe shpërndan udhëzues për shkollat e mesme të larta dhe DKA për organizimin e programeve përgatitore për kandidatët që do t'i nënshtrohen provimit të maturës.
- 1.7. Organizon dhe mbikëqyrë procesin e shtypjes, paketimit, shpërndarjes dhe kthimit të materialeve për provimin e maturës shtetërore.
- 1.8. Bën kontrollimin dhe përpunimin e të dhënave të kandidatëve dhe përgatit rezultatet për shpallje.
- 1.9. Përgatit raportin për ecurinë e testit të maturës dhe raportin teknik për provimin e maturës.
- 1.10.Publikon materialet bazë, udhëzuesit informativ dhe rezultatet e provimit të maturës shtetërore në ueb faqen e MASHT.
- 1.11.Krijon dhe procedon mënyrën e informimit rreth shpalljes dhe dokumenteve tjera për provimin e maturës në faqen elektronike dhe në media.

Amendamenti 10

Neni 10, riformulohet si vijon:

Neni 10

Drejtoria Komunale e Arsimit –DKA

1. Detyrat dhe obligimet e DKA-ve janë:

- 1.1. Shpallja e njoftimit për vendimin e ministrit në lidhje me organizimin e provimit të maturës.
 - 1.2. Caktimi i detyrave dhe obligimeve për drejtorët e shkollave në lidhje me mbajtjen e provimit të maturës sipas udhëzimeve të KSHM dhe DVSM.
 - 1.3. Siguron të dhënat e sakta dhe me kohë për kandidatët që do të vlerësohen përfshirë edhe kandidatët me nevoja të veçanta.
 - 1.4. Propozon mbikëqyrësit dhe administruesit sipas udhëzimeve të DVSM.
 - 1.5. Cakton objektet për qendra të testimit.
 - 1.6. Koordinon punët shkollë - DVSM dhe KSHM.
 - 1.7. Brenda tre (3) dite raporton me shkrim për mbarëvajtjen e procesit të provimit të maturës shtetërore.
 - 1.8. Analizon rrjedhat dhe rezultatet e provimit të maturës shtetërore në nivel të shkollave.
 - 1.9. Propozon dhe ndërmerr masa për ngritjen e cilësisë bazuar në rezultatet dhe analizat.
 - 1.10. Gjatë kohës së administrimit të testit angazhon ekipet e shërbimit shëndetësor
2. Kryen edhe punë të tjera të cilat i caktohen nga organet mbikëqyrëse.

Amendamenti 11

Pas nenit 10, shtohet nen i ri si vijon:

Shkolla e mesme e Lartë

1. Detyrat dhe përgjegjësit e shkollës së mesme të lartë janë :
 - 1.1. Përgatit listën e kandidateve që i nënshtrohen provimit të maturës shtetërore dhe i dërgon në DKA.
 - 1.2. Përgatit hapësirën për mbajtjen e provimit të maturës shtetërore sipas udhëzimeve KSHM
 - 1.3. Përgatit dhe ofron program mbështetës për provimin e maturës shtetërore.

Amendamenti 12

Neni 11, riformulohet si vijon:

Neni 11

Komisioni në qendrat e testimit

1. Komisioni në qendrat e testimit përbëhet nga tre (3) anëtarë. Dy (2) anëtarë nga DKA dhe një (1) nga MASHT që i propozon DVSM.
2. Detyrat dhe përgjegjësitë e komisionit të qendrës së testimit rregullohen me akt nënligjor.

Amendamenti 13

Neni 12, riformulohet si vijon:

Neni 12

Administruesit dhe mbikëqyrësit

1. Administruesit dhe mbikëqyrësit i cakton DVSM në bazë të propozimeve të DKA dhe institucioneve të arsimit të lartë.
2. Puna e administruesve dhe mbikëqyrësve të provimit të maturës shtetërore monitorohet nga KSHM, DVSM dhe Komisioni i qendrës së testimit.
3. Detyrat dhe përgjegjësitë e administruesve dhe mbikëqyrësve rregullohen me akt nënligjor.
4. Komisioni, administruesi, mbikëqyrësi dhe anëtarët e Komisionit të cilët nuk veprojnë sipas rregullave të parapara sanksionohen në bazë të nenit 29 paragrafi 3.

Amendamenti 14

Neni 13 riformulohet si vijon :

Neni 13

Afati i organizimit të provimit të maturës shtetërore

Afatin dhe datën e organizimit të provimit të maturës shtetërore i cakton Ministria e Arsimit, Shkencës dhe Teknologjisë.

Amendamenti 15

Neni 14 riformulohet si vijon :

Neni 14

Paraqitja e provimit të maturës

1. Kandidati paraqet provimin e maturës shtetërore më së voni pesëmbëdhjetë (15) ditë para ditës së provimit.
2. Fletëparaqitja për provimin e maturës shtetërore plotësohet në formularin që merret në shkollë, i cili përmban të dhënat për kandidatin.
3. Bashkë me fletëparaqitjen, kandidati paraqet edhe:

- 3.1. Dëftesat për kryerjen e klasave të shkollës së mesme të lartë,
- 3.2. Certifikatën nga libri amë i të lindurve,
- 3.3. Diplomën e shkollës së mesme të lartë profesionale.
- 3.4. Kandidatat/nxënësit që përfundojnë shkollën e mesme të lartë profesionale pajisen me diplomë.

Amendamenti 16

Neni 15 riformulohet si vijon :

Neni 15

Përmbajtja e provimit të maturës

- 1. Provimi i maturës shtetërore përbëhet nga:
 - 1.1. Lëndët obligative : gjuhë amtare, matematikë dhe gjuhë e huaj.
 - 1.2. Lëndët zgjedhore të propozuara nga DVSM dhe të miratuara nga KSHM.
 - 1.3. Kandidati përcaktohet për lëndet zgjedhore sipas afateve të parapara nga KSHM.
- 2. Digjitalizimi i provimit të maturës shtetërore rregullohet me akt nënligjor.

Amendamenti 17

Neni 16 riformulohet si vijon :

Neni 16

Kriteret e provimit të maturës

- 1. Të gjithë nxënësit/kandidatët e gjimnazeve të cilët me sukses e kanë përfunduar vitin e fundit paisen me diplome dhe i nënshtrohen provimit të maturës shtetërore.
- 2. Të gjithë nxënësit/kandidatët që kanë kryer me sukses provimin përfundimtar të arsimit profesional paisen me diplome. Ata që deshirojnë regjistrimin në IAL i nënshtrohen provimit të maturës shtetërore.
- 3. Pragu i kalueshmerisë në provimin e maturës shtetërore është 40%.
- 4. Të gjithë kandidatët që kanë kaluar provimin e maturës shtetërore paisen me certifikate nga KSHM.
- 5. Forma dhe përmbajtja e certifikates së provimit të maturës shtetërore, rregullohet me akt nënligjor të MASHT-it.

6. Kandidatët e pakënaqur me rezultatet e arritura në provimin e maturës shtetërore, kanë të drejtë ta refuzojnë rezultatin me shkrim para marrjes së diplomës dhe t'i nënshtrohen provimit të maturës shtetërore në afatet vijuese.

Amendamenti 18

Neni 17 riformulohet si vijon :

Neni 17

Obligimet e institucioneve të arsimit të lartë

1. Të gjitha institucionet e arsimit të lartë, janë të obliguara që t'i pranojnë rezultatet e arritura të kandidatëve gjatë viteve të shkollimit të mesëm të lartë dhe rezultatet e provimit të maturës shtetërore.

2. Pranimi i studentëve do të bëhet në bazë të rezultateve të arritura:

- 2.1. 30% gjatë shkollimit të mesëm të lartë.
- 2.2. 30% në provimin e maturës shtetërore.
- 2.3. 40% në vlerësimin e brendshëm të njësive akademike.

Amendamenti 19

Ne nenin 18 nënparagrafi 2.3 riformulohet si vijon :

2.3. Te këtë materiale informuese dhe udhëzuese për mbarëvajtjen e provimit.

Amendamenti 20

Neni 19 riformulohet si vijon :

Neni 19

Vërtetimi i identitetit të kandidatëve

1. Vërtetimi i identitetit të kandidatëve gjatë hyrjes në provimin e maturës, bëhet përmes dokumenteve zyrtare të identifikimit apo nga dokumentet e lëshuara nga institucionet.

2. Nuk lejohet hyrja në provim e kandidatëve që nuk posedojnë një dokument identifikues.

Amendamenti 21

Neni 20 riformulohet si vijon :

Neni 20

Kohëzgjatja e provimit

Kohëzgjatja e provimit caktohet në bazë të numrit të pyetjeve dhe formatit të testit me vendim të KSHM.

Amendamenti 22

Neni 21 riformulohet si vijon :

Neni 21

Publikimi i rezultateve të provimit

DVSM është e obliguar që pas nxjerrjes së rezultateve të provimit të maturës t'ia paraqes KSHM-së për miratim dhe publikim.

Amendamenti 23

Neni 22 riformulohet si vijon :

Të drejtë ankese kanë të gjithë kandidatët të cilët nuk janë të kënaqur me procesin e vlerësimit të tyre.

Amendamenti 24

Neni 23 riformulohet si vijon :

Neni 23

Subjekti tek i cili dorëzohet ankesa

1. Kandidati ka të drejtë të parashtrojë ankese:

1.1. Në shkallë të parë :

1.1.1. DVSM dhe KSHM për provimin e maturës.

1.2. Në shkallë të dytë në Komisionin për Parashtresa dhe Ankesa në MASht.

Amendamenti 25

Neni 24 riformulohet si vijon :

Neni 24

Afati kohor për parashtrimin e ankesës

Afati për parashtrimin e ankesës në organin e shkallës së parë është (tri) 3 ditë pas publikimit të rezultateve, ndërsa në organin e shkallës së dytë bëhet brenda (5) pese ditësh nga dita kur kandidati ka marrë përgjigjen në ankesë.

Amendamenti 25

Neni 25 riformulohet si vijon :

Neni 25

Afati për marrjen e vendimit pas ankimimit

1. Afati për marrjen e vendimit në përgjigje në ankesë:

1.1. Nga DVSM dhe KSHM është tre (3) ditë.

1.2. Afati për marrjen e vendimit nga MASHT, brenda pese (5) ditësh nga dita kur kandidati ka parashtruar ankesën.

Amendamenti 26

Neni 26 riformulohet si vijon :

Neni 26

Ruajtja dhe arkivimi

Ruajtja dhe arkivimi i dokumentacionit të maturës shtetërore bëhet në bazë të dispozitave ligjore në fuqi për ruajtjen dhe arkivimin e dokumentacionit zyrtar.

Amendamenti 27

Neni 27 fshihet

Amendamenti 28

Neni 28 fshihet.

Amendamenti 29

Neni 29 riformulohet si vijon :

Neni 29

Sanksionet

1. Kryetari, anëtari, administruesi ose vëzhguesi i testit të maturës i cili zbulon ndonjë sekret të testit që konsiderohet si shkelje e lehtë, dënohet për kundërvajtje në shumë prej njëqind euro (100) € deri në pesëqind euro (500) € dhe deri në marrjen e licencës në kohëzgjatje deri në një vit.

2. Kryetari, anëtari, administruesi ose vëzhguesi i testit të maturës, i cili zbulon ndonjë sekret të testit që konsiderohet si shkelje e rëndë e testit të maturës dënohet me dënim në të holla prej dymijë (2000) deri në pesëmijë (5000) € si dhe me masa disiplinore dhe penale të parapara në Kodin Penal të Kosovës si vepër penale e zbulimit të paautorizuar të informacionit të besueshëm.

3. Kandidatët të cilët gjatë provimit të maturës shkelin rregullat e mirësjelljes, të përcaktuara me udhëzues përkatës për provim, ju anulohet testi i maturës dhe të njëjtët i nënshtrohen provimit në afatet vijuese.

Amendamenti 30

Neni i ri si vijon :

Neni ...

Dispozitat kalimtare

3. Të ndryshme

Teuta Haxhiu propozoi që gjatë javës të vizitohet shkolla fillore në Kodër të Minatorëve, me të cilin ropozim u pajtuan anëtarët e Komisionit.

Ismajl Kurteshi propozoi që në kuadër të aktiviteteve të monitorimit të Ligjit për Arsimin Parauniversitar të realizohen vizita në disa nga shkollat fillore dhe të mesme. Anëtarët e Komisionit u përcaktuan që gjatë javës së arshme të vizitohen tre shkolla në komunë të Prishtinës dhe tre shkolla në komunë të Prizrenit.

Mbledhja përfundoi në orën 12:10.

Përgatitur nga:

Njësia për Mbështetjen e Komisionit.

Kryetari i Komisionit,

Nait Hasani